



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-410
fax. +387 33 726-423
e – mail: info@voda.ba

Broj: **UP-I/25-2-40-169-2/21**

Datum: 21.04.2021. godine

„Agencija za vodno područje rijeke Save“ Sarajevo rješavajući po zahtjevu pravnog lica „VOITH HYDRO BOSNIA“ d.o.o. Živinice, za izdavanje vodne saglasnosti za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada proizvodno-skladišnog objekta namjene za proizvodnju elektro motora i generatora sa transformatorskom stanicom koji se planira graditi u industrijskoj zoni Lukavac, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), donosi:

RJEŠENJE **o vodnoj saglasnosti**

1. Pravnom licu „VOITH HYDRO BOSNIA“ d.o.o. Živinice, daje se vodna saglasnost za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada proizvodno-skladišnog objekta namjene za proizvodnju elektro motora i generatora sa transformatorskom stanicom koji se planira graditi u industrijskoj zoni Lukavac na zemljištu označenom kao k.č. broj: 65/26 upisano u K.O. Bokavići, općina Lukavac a u skladu sa projektnom dokumentacijom:
 - Glavni projekat prikupljanja, odvodnje i tretmana otpadnih voda za planirani proizvodno-skladišni objekat na parceli k.č. 65/26 k.o. Bokavići, općina Lukavac urađen od strane ovlaštenog pravnog lica „TZI-INŽENJERING“ d.o.o. Sarajevo broj projekta 263/2021, april 2021 godine, revidovan od strane „ATRIUS“ d.o.o. Živinice, april 2021 godine a u postupku pribavljanja odobrenja za gradnju.
2. Ova vodna saglasnost ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna saglasnost se daje na osnovu utvrđenog činjeničnog stanja i pregleda investiciono-tehničke dokumentacije iz tačke 1. ovog Rješenja koja je sastavni dio ovog rješenja i ista se ovjerena od strane ove Agencije vraća investitoru na trajno čuvanje, a ista će se koristiti u postupku pribavljanja odobrenja za rekonstrukciju u smislu propisa o prostornom uređenju.
4. Vodna saglasnost se daje pod slijedećim uslovima:
 - 4.1. Radove na izgradnji objekata za prihvatanje, skladištenje, pretakanje opasnih materija i trafo ulja te tankvane-uljne jame za prikupljanje eventualnog curenja trafo ulja na lokaciji proizvodno-skladišnog objekta namjene za proizvodnju elektro motora i generatora sa transformatorskom stanicom koji se planira graditi u industrijskoj zoni Lukavac izvesti u skladu sa ovjerenom projektnom dokumentacijom iz tačke 1. dispozitiva ovog Rješenja.
 - 4.2. Nakon izvođenja radova na sistemu prikupljanja, odvodnje i prečišćavanja otpadnih voda, potrebno je izvršiti ispitivanja kvaliteta izvedenih radova na vodonepropusnost i bezbjednost od curenja, a u cilju zaštite površinskih i podzemnih voda.
 - 4.3. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njegove obale.
 - 4.4. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim.

5. Ukoliko se u toku izvođenja radova i korištenja premetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.
6. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
7. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl. novine FBiH“ broj: 31/15, 55/19 i 41/20).
8. Ova vodna saglasnost prestaje važiti istekom roka od dvije godine od dana pravosnažnosti rješenja, ukoliko u tom periodu ne bude pribavljeno odobrenje za gradnju i započeta rekonstrukcija objekata u skladu sa glavnim projektom iz tačke 1. dispozitiva ovog rješenja.
9. Ova vodna saglasnost može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice „VOITH HYDRO BOSNIA“ d.o.o. Živinice, pismenim zahtjevom zaprimljenim u ovoj Agenciji dana 19.04.2021 god., zatražio je izdavanje vodne saglasnosti za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada proizvodno-skladišnog objekta namjene za proizvodnju elektro motora i generatora sa transformatorskom stanicom, koji se planira graditi u industrijskoj zoni Lukavac, na zemljištu označenom kao k.č. broj: 65/26 upisano u K.O. Bokavići, općina Lukavac a u postupku pribavljanja odobrenja za gradnju.

U provedenom postupku, uz zahtjev za izdavanje vodne saglasnosti dostavljena je slijedeća dokumentacija:

A. Opšta dokumentacija

- Kopija uplatnice administrativne takse i biljega,
 - Ovjerena kopija Rješenja o upisu u registar pravnih lica broj: 032-0Reg-20-001389 od 19.10.2020. godine izdata od Općinskog suda u Tuzli,
 - Ovjerena kopija Uvjerenja o poreznoj registraciji donesenog od strane Porezne uprave – Kantonalni ured Tuzla, 28.10.2020 godine,
 - Ovjerena kopija Uvjerenja o registraciji/upisu u Jedinstveni registar obveznika indirektnih poreza, broj: 04/1-17-1-UPJR/1-815-2/21 dana 17.02.2021. godine donesenog od Uprave za indirektno-neizravno oporezivanje Banja Luka;
 - Ovjerena kopija Katastarskog plana, razmjera 1:2500, broj: 06-26-3-1379/2021-3 od 14.04.2021. godina izdata od Službe za geodetske i imovinsko-pravne poslove Općine Lukavac,
 - Ovjerena kopija posjedovnog lista broj: 06-26-3-1379/21-2 od 14.04.2021. godine izdata od strane Službe za geodetske i imovinsko-pravne poslove Općina Lukavac,
 - Ovjerena kopija zemljišnoknjižnog izvotka broj: 126-0-NAR-21-000772 od 05.03.2021. godine izdata od strane Općinskog suda u Lukavcu,
 - Odgovor broj: 05-02-297/21 od 03.02.2021 godine dat od strane JP „RAD“ d.o.o. Lukavac,
 - Načelna saglasnost o priključku na vodovodni i kanalizacioni sistem broj: 05-02-318/21 od 09.02.2021 godine izdata od strane JP „RAD“ d.o.o. Lukavac,
 - Rješenja o prethodnoj vodnoj saglasnosti, broj: UP-I/25-1-40-061-5/21 od 25.02.2021 godine izdato od strane „Agencije za vodno područje rijeke Save“ Sarajevo,
 - Rješenja o urbanističkoj saglasnosti broj: 12-04/1-19-044214/20 od 09.04.2021 godine izdato od strane Ministarstva prostornog uređenja i zaštite okolice Tuzlanskog kantona,
 - Izvod iz projekta za trafostanicu -Predmjer radova i materijala za trafostanicu 10(20) /0,4 kV 5x1000kVA „VOITH“.

B. Tehnička dokumentacija

- Glavni projekat prikupljanja, odvodnje i tretmana otpadnih voda za planirani proizvodno-skladišni objekat na parceli k.č. 65/26 k.o. Bokavići, općina Lukavac urađen od strane ovlaštenog pravnog lica „TZI-INŽENJERING“ d.o.o. Sarajevo broj projekta 263/2021, april 2021 godine,
- Izvještaj o reviziji projektne dokumentacije urađen od strane „ATRIUS“ d.o.o. Živinice, april 2021 godine.

U provedenom postupku konstatovano je sljedeće:

Glavni projekat, iz tačke 1. dispozitiva ovog Rješenja, urađen je od strane ovlaštenog pravnog lica.

- Lokacija planiranih objekata proizvodno-skladišnog objekta namjene za proizvodnju elektro motora i generatora sa transformatorskom stanicom se nalazi u industrijskoj zoni Lukavac, na zemljištu označenom kao k.č. broj: 65/26 upisano u K.O. Bokavići, općina Lukavac.
- U predmetnoj aktivnosti u tehnološkom procesu nema direktne potrošnje vode te da ne nastaju tehnološke otpadne vode.
- U sklopu objekta je planirana trafostanica sa četiri trafoa. Za sprečavanje curenja trafo ulja i njegovog dospijevanja u okoliš predviđene su vodonepropusne tankvane.
- U planiranoj kotlovnici kao gorivo će se koristiti pelet.
- Podnosilac zahtjeva je pribavio načelnu saglasnost sa uslovima za priključenje fekalnih i oborinskih otpadnih voda sa predmetne lokacije.
- Smola koja će se koristiti u proizvodnji će biti u petlji zatvorenog kruga neposredno pored „autoklava“. Kada se iskoristi većina smole, rezervoari se pune od strane ovlaštenih kompanija, obično je to proizvođač smole koji posjeduje odgovarajuću opremu i licence za transport i punjenje.
- Opasna roba će se skladištiti na određenom, posebno zaštićenom prostoru. Količine opasnih materija su vrlo male. Pod u skladištu opasnih materija će biti epoksidni a isti je otporan na hemikalije kiseline i druga opasna sredstva.

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti, broj: UP-I/25-1-40-061-5/21 od 25.02.2021 godine izdato od strane "Agencije za vodno područje rijeke Save" Sarajevo, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju iz tačke 1. dispozitiva ovog Rješenja, data je vodna saglasnost na isti.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 60 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine F BiH“, broj 6/98, 8/00, 45/10, 43/13).

Uputa o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 (petnaest) dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Behija Ahmedić dipl.inž.tehn.

Po ovlaštenju

Rukovodilac sektora za izdavanje vodnih akata



Haris Ališehović

Haris Ališehović, dipl.inž.građ.

Dostaviti:

- „VOITH HYDRO BOSNIA“ d.o.o. Živinice, Maline- Ljubače do broja 256, Put Suha, Živinice (Prilog-Ovjerena Tehnička dokumentacija navedena pod tačkom B obrazloženja Rješenja)
- ☉ AVP-ISV -Vodna knjiga
- Sektor 40, arhiva
- Oglasna tabla AVP-Sava Sarajevo